

四庫全書

史部

欽定四庫全書

至元嘉禾志卷十三

元 徐碩 撰

冢墓

錄事司

嚴夫子墓在郡治北報恩禪院法堂後

考證西漢嚴助也

蘇小小墓在郡治東一百步

考證晉歌姬也張文潛集及宋百家詩載司馬樵
事云墓在錢塘寰宇記云墓在嘉興縣然寰宇記
為是今墓正在嘉興縣前西南墳高三丈有大井
在其側舊生雙桃於上宋紹興初衣白以出人多
畏之因鎮以塔後宋路分行天心法驅除之遂不
復見有片石在通判廳云蘇小小墓豈非家在錢
塘而墓在嘉興乎

松江府

陸康墓在府西北二十里

陸遜墓在府西北二十三里

陸抗墓在府北二十二里

陸瑁墓在府西北三十二里

陸凱墓在府西北三十二里

陸宏墓在府西北四十里

陸曄墓在府西北四十四里

陸監墓在府西北一十九里

陸景文墓在府西北三里

陸獻墓在府西北一十九里

潘濬墓在府西北二十里

考證按吳志云濬字承明武陵漢壽人也弱冠從
宋仲子受學為郡功曹孫權殺雲長於荆上拜為
輔軍中郎將有功遷奮威將軍權即位封劉陽侯
遷太常赤烏二年薨

笮融墓在府東北四十里

考證按吳志云融丹陽人初徐州牧陶謙使督廣陵運漕曹公攻謙徐土蕭條融將男女一百口馬三十匹走廣陵今北亭鄉有窄墓涇涇旁有高壠世稱為窄墓云

陸禕墓在府西北二十七里崑山之絕頂

考證舊有征北將軍陸禕墓碑今雖斷毀不全而龜趺尚存焉

嘉興縣

歐陽尚書墓在縣西北一十里

考證文忠公之後也其子孫尚有居其傍者

劉伶墓在縣西北二十七里

考證劉伶晉人也錢氏諱鏐改呼劉為金俗因呼為金伶墓

施墓在縣東二十里

考證圖經云齊長沙王府長史施脩琳墓

衛墓在縣西南

考證圖經云衛大夫洪演墓也衛懿公為狄人所滅食其肉惟肝在地演割已腹而納焉按漢書魏地今在魏郡黎陽是也獨未曉演墓在此何也

周都官墓在縣西與月波樓相對

考證先老相傳早不加高潦不加沒

朱買臣墓在縣東三里

羞墓在縣北一十八里

考證朱買臣妻羞死之所也今改為秋茂訛也

徐偃王墓舊傳在縣西復禮鄉

沈演之墓舊傳在縣北望雲門外二十里

相林墓在縣東一十里

海鹽縣

龍母塚在縣南四十里

考證陳山之巔上有盤石遇水旱禱祈以酒酌石
輒有暴雨洗壇

九母冢在縣南一十八里豐山石屋之東南

考證昔有村人發之蜂蠆蛇蝎不可嚮邇

天女墓在縣東北三十五里乍浦村

考證人侵犯即有土蜂黑氣逼人

皇后冢在縣南三里

考證耆老相傳以為何皇后冢近地有喪靈浦今
塞沒矣

田橫墓去縣一十八里

天子女兒墓在縣西南三十五里六里山

考證村人侵犯之即有毒蟲出焉

皇象墓去縣東北四十七里高一丈周迴四十步

考證輿地志云象字休明吳廣陵江都人善隸書
干瑩墓在縣西南四十里高一丈二尺周迴四十步

考證舊圖經吳干瑩字明叔仕吳為立節都尉五
行記云晉干寶字令升海鹽人父瑩有寵婢母甚
妒之及瑩亡葬之遂生推婢於墓後十餘年母喪
開墓而婢伏棺如生載還經日乃蘇言其父恩情

如舊地中亦不惡既而嫁之生子

顧安饒墓在縣東北五十里高一丈三尺周迴七步

考證顧安饒陳人也仕至鴻臚卿

沈景墓在西南六十里

考證沈景宋人也

叢冢在縣東南三十六里湯山

考證宋紹熙間縣令李直養以溺海之屍隨潮而上送至砂磧盡為犬鳥所齧因置叢冢收瘞焉

人物

嘉興縣

西漢朱買臣字翁子吳人家貧好讀書手不釋卷平生不治產業賣薪給食嚴助薦之於武帝拜中大夫後為會稽守上嘗謂買臣曰富貴不歸故鄉如衣錦夜行買臣頓首辭謝遂衣故衣懷其印綬歸郡

邸

東漢張武吳由拳人也

由拳縣即今嘉興縣

父業為郡門下掾送

太守妻子還鄉里至河內亭盜夜劫之業與賊戰死遂亡失屍骸武時年幼不及識父後之太學受業每持父遺劍至其處泣祭而還太守第五倫嘉其行舉孝廉遭母喪過毀又傷父視靈不返因哀慟絕命

晉韓績字興齊避亂居於吳之嘉興少好文學不交當世由是東土稱焉召拜博士不起卒於家

唐陸贄字敬輿吳郡嘉興人年十八第進士中博學宏

辭調鄭尉壽州刺史張鎰願為忘年交餉錢百萬
曰請為母夫人一日費贄不納止受茶一瓶後又
中拔萃選補渭南尉遷監察御史德宗召為翰林
學士時年尚少以材見幸天子嘗以輦行呼而不
名從幸奉天日發詔書數百思如湧泉下筆如神
皆曲盡事情武夫悍卒聞者無不感泣思奮帝頗
親倚雖外有宰相主大議而公嘗居中叅裁可否
時號內相李懷光有異志公請李晟移屯以備徙

幸遷諫議大夫還京為中書舍人俄為中書侍郎
平章事公在朝論諫數十百篇炳炳如日一本仁
義議陳時病每拂帝短或規其太過公對曰吾上
不負天子下不負所學惶他恤乎上欲相裴延齡
公言延齡僻戾躁妄不可用帝不聽俄而延齡奸
佞得君天下仇惡無敢言者公又上書苦諫帝不
懌竟以太子賓客罷延齡揣帝意薄讒短百緒帝
怒欲誅贄陽城交章論辨乃貶忠州別駕公既放

荒遠常闔戶人不識其面又避謗不著書順宗即位召還詔未至而卒時年七十有二追贈兵部尚書謚曰宣公有奏議翰苑文集行於世邦人士至今祠之

唐徐岱嘉興人也於學無所不通輯論明銳座人常屈代宗大厯間劉宴表為校書郎觀察使李栖筠欽其賢書所居為復禮鄉

唐丘為蘇州嘉興人事繼母孝嘗有靈芝生堂下官至

太子右庶子時年八十餘而母無恙給以俸祿之半及居憂觀察使韓滉以致仕官給祿所以惠養老臣不可在喪為異惟罷春秋羊酒初還鄉縣令謁之為候門磬折令坐乃拜里胥立庭下既出乃敢坐經縣治降馬而趨年九十六卒

宋陳舜俞字令舉嘉興人仁宗嘉祐四年應材識茂異賢良方正能直言極諫科擢為第一是時公已登進士乙科矣復中是選故文章聲名赫然在人上

始授光祿丞簽書壽州判官宰山陰秩未滿召試
館職不就會朝廷議行青苗法上書力詆且自劾
因忤執政貶監星江酒稅公在貶所日與大博劉
凝之跨雙犢以窮泉石之勝自號白牛居士公直
道自信無所回撓遂絕意仕進得著書立言有都
官集進卷行於世蔣之奇序東坡六客與焉

宋錢顛字安道本無錫人英宗治平末為殿中侍御史
王安石行新法顛極論其弊貶監衢州稅徙秀州

家貧母老自貸親舊以給朝晡而怡然無謫官之
色東坡集有至秀州贈錢端公安道詩云鴛鴦湖
邊月如水孤舟夜傍鴛鴦起者是也

宋毛滂字澤民徽宗政和間守是邦因家焉先是哲宗
元祐間東坡守杭公為法曹秩滿辭去是夕坡宴
客有妓歌惜分飛詞坡問誰所作妓以毛法曹對
坡語坐客曰郡寮有詞人而不知某之罪也翼日
折簡追還留連數月公因此得名有東堂集十卷

行於世

宋洪皓字光弼本番陽人嘗為秀州錄事徽宗宣和六年秋大水全活饑民九萬五千餘人州人皆稱為佛子丁父憂奔喪還即留家於秀高宗建炎三年奉使大金羈留十五年不屈節而歸秦檜不容死於南服謚忠宣有忠宣集行於世

宋王希呂本中原人高宗南渡寓居是邦仕至尚書

宋朱敦儒字希真號巖壑本中原人以詞章擅名天資

曠遠有神仙風致高宗南渡初寓此嘗為樵歌有
讀書堂在大慶觀之西

宋婁機字彥發幼穎悟日誦數百言長益奮勵談經史
百家作文直欲以左氏班馬韓柳為標的孝宗乾
道間中進士第及試邑罷稅興學士民德之入輔
元良日陳正言正道隨事發明多所裨益年七十
乞閒不允擢監察御史又除右正言尋除太常卿
兼中書舍人時宰欲開邊隙侍御史鄧友龍主議

甚力公相時度勢極口沮之以為必敗國事會有
旨集議公義形於色畧不少變又欲以公宣諭荆
襄公昌言曰使慰安人情則可必欲開邊啟釁有
死而已不能從也卒以此去國後遍歷省部給舍
皆有可紀嘉定改元八月除樞密十月除叅知政
事公天資忠鯁不畏強禦既坐廟堂未嘗以辭色
假人彌縫協恭裨贊維多三年告老以正議大夫
資政殿學士致仕年七十有九

宋方誼字賓王本桐廬人孝宗乾道四年侍父務德侍郎徙居是邦之北門為朱文公門人文公集中有相與問答語家有希賢齋扁亦文公所書也

宋葉時字秀發孝宗淳熙登進士甲科事四朝歷臺省二十年官至開府

宋王明清字仲言本汝陰人寧宗慶元間寓居是邦官至朝議郎有史才嘗著揮塵錄及玉照新志

宋陳曄字孟華寧宗嘉定間登進士第仕至金部郎官

守南劍弟燧字孟明亦登嘉定甲科仕至宗博皆
忠肅了翁後

宋李鳴號復山本蜀人也寓居是邦之東門理宗朝嘗
為執政公夫公晉其二子也皆典郡

宋李曾伯字長孺號可齋本懷州人也丞相邦彥之孫
寓居於此自登臚仕早以能稱持繡斧督餉運兩
分漕節七開大閭官轍幾徧天下儒而知兵素有
雅量所至得將士歡心遠人聞風敬憚戒勿開邊

隙天才卓絕為一代偉人有可齋類藁行於世以
觀文殿學士歿於家贈少保開府儀同三司

宋沈炎字若海號寶臣理宗寶慶間登進士第官至叅
預

宋徐聞詩字子言資性穎悟八歲通九經理宗朝由童
科擢紹興第仕至惠州守

宋李景勉字懋之號畸翁理宗紹定間由上庠解褐立
朝靖共於邊事尤曉暢非但老於文學以太常丞

守臨汀卒

宋呂重庚字申伯號九山理宗端平間登進士第官至

大理正

宋焦炳炎字濟父本宣州人也寓居是邦理宗朝初擢
右科後朝請淳祐辛丑廷試中進士探花立朝清
節挺挺一時嘗居言路論奏累數百言無不當帝
心時宰主括田之議遠近騷動遂痛述其害反覆
面奏亦無慮千言上雖為之愀然而括田未即寢

繼進故事辨論愈力時宰語人曰非攻田事是攻我也尋除太常少卿命下遂具疏辭免疏上即去國或人遺以詩曰事至諫官言不得身為宰相有何營又自賡故人詩篇亦有跡雖無地著心實有天知一禽從不獲不敢範馳驅之句後除淮東湖憲漕悉不就改吉州太守仍除太常少卿不得已就職後以起居郎右文殿脩撰致仕卒

宋焦煥炎字海父炳炎弟也以儒傳家幼有聲場屋理

宗寶慶初入西雍紹定間廷試冠多士嘗陞對論
奏累數百言皆切中時病生平抱負英畧慷慨有
大志守邊多顯功仕至鎮江守

宋林子善字常甫號西河理宗淳祐間登進士第時里
稱純儒守永州改淮西制叅卒

松江府

東漢陸康字季寧吳人少仕郡以義烈稱舉茂才除高
成令以恩信為治寇盜亦息光和元年遷武陵太

守轉守桂陽樂安二郡所在稱之拜廬江太守申
明賞罰破賊黃穰等靈帝加其功拜康孫尚為郎

中

吳陸績字公紀康之少子也年六歲謁袁術即世傳懷
橘墮地者也容貌雄壯博學多識星厯算數無不
談覽孫權辟為奏曹掾以直道見憚出為鬱林太
守雖有軍事著述不廢作渾天圖志易釋元皆傳
於世

吳陸遜字伯言少隨從祖廬江太守康在官表術與康有隙欲攻康康遣遜及親戚還吳呂蒙謂孫權曰陸遜意思深長才堪負重觀其規慮終可大任權乃召遜拜偏將軍召呂蒙屯陸口後克公安南郡拜撫邊將軍封華亭侯又進封婁侯黃武元年為大都督大破蜀兵於夷陵赤烏七年為丞相卒追諡昭侯

吳陸瑁字子璋遜弟也少好學篤義州郡辟舉皆不就

嘉禾元年公車徵拜議郎選曹尚書孫權欲親征
公孫淵瑁再上疏諫權嘉其事理端切遂不行赤
烏二年卒

吳陸抗字幼節遜子也建興元年拜奮威將軍建衡二
年都督信陵西陵夷道樂鄉公安諸軍事鳳皇元
年晉羊祜率師向江陵抗使輕兵躡之祜引軍還
抗遂陷西陵東還樂鄉貌無矜色謙冲如常故得
將士歡心抗嘗遺祜酒祜飲之不疑抗疾祜饋之

藥抗亦推心服之時以為華元子反復見於今日
二年拜大司馬荊州牧卒子晏景元機雲分領抗
兵景字士仁拜騎都尉封毘陵侯偏將軍澡身好
學著書數十篇

吳陸凱字敬風丞相遜族子也黃武初為永興諸暨長
所在有治迹拜建武都尉領兵雖統軍衆手不釋
書五鳳二年拜偏將軍封都鄉侯遷盪魏綏遠將
軍征北將軍鎮西大將軍進封嘉興侯寶鼎元年

遷左丞相乃心公家義形於色表疏皆指事不飾
忠懇內發建衡元年卒

吳陸盾字敬宗凱弟也始為選曹郎太子夙聞其名待
以殊禮後為交州刺史入界喻以恩信務從招納
加安南將軍封都亭侯

吳陸喜字恭冲瑁子也少有聲名好學有才思嘗作言
道訪論審機古今歷娛賓九思等書吳平又作西
州清論傳於世仕吳為選曹尚書至晉為散騎常

侍

吳陸禕字元容凱子也赤烏六年徵宿衛郎中後遷立
義都尉五官郎中騎都尉遷黃門侍郎封海鹽侯
加裨將軍行丞相鎮西大將軍事凱沒後入為太
子中庶子華覈常表薦禕曰禕體質方剛器幹強
固董率之才魯肅不過在戎果毅臨財有節初孫
皓嘗銜凱數犯顏忤旨後徙凱家於建安天紀二
年與從弟式召還建業復將軍侯

晉陸機字士衡吳郡人也父抗吳大司馬機身長七尺其聲如鐘少有異才文章冠世伏膺儒術非禮不動抗卒領父兵為牙門將後成都王穎討長沙王又假機後將軍河北大都督為孟玖輩譖於穎言其有異志使孫秀密收機秀兵至機釋戎服著白恰謂秀曰成都吾以重任辭不獲已今日受誅豈非命也因興隸牋詞甚悽惋既而嘆曰華亭鶴唳豈可復聞乎遂遇害於軍中所著文章凡三百餘

篇並行於世

晉陸雲字士龍機弟也六歲能屬文性清正有才理少
與兄機齊名雖文章不及機而持論過之號曰二
陸幼時吳尚書廣陵閔鴻見而竒之曰此兒若非
龍駒當是鳳雛年十六舉賢良吳平入洛補浚儀
令到官肅然下不能欺市無二價後成都王穎表
雲為清河內史轉大將軍右司馬後因機敗亦為
孟玖所譖故併為所殺

吳陸宏績之長子會稽南郡都尉

晉陸曄字士光吳郡人也曄少有雅望從兄機每稱之
曰我家世不乏公矣元帝鎮江左辟為祭酒遷太
子詹事時帝以待中皆北士宜兼用南人曄以清
正著稱遂拜侍中徙尚書領州大中正明帝即位
累遷至錄尚書加散騎常侍成帝踐祚拜光祿大
夫後因歸以疾卒贈侍中謚曰穆

晉陸玩字士瑤曄弟也器量淹雅弱冠有美名尚書左

僕射領本州大中正及蘇峻反遣玩與兄曄俱守
官城玩潛說康術歸以功封興平伯轉尚書令又
詔授左光祿大夫開府儀同三司加散騎常侍

晉陸納字子言玩子也少有清操貞厲絕俗以尚書吏
部郎出為吳興太守至郡不受俸祿頃之徵拜左
民尚書應召臨發止有被襪餘並封以還官謝安
常詣納納所設惟茶果而已其兄子倅遂陳盛饌
珍饈畢具客罷納大怒曰汝不能光益叔父乃復

穢我素業耶於是杖之

晉陸監字始明璿之子少而隱靜方直抗烈除後將軍
司馬以功封西陽亭侯

晉陸景文字叔辨初為安吉令遷太守

陳顧野王字希馮吳郡人也七歲讀五經即略知大指
九歲能屬文嘗制日賦朱異見而奇之十二隨父
之建安撰建安地記及長徧觀經史精記默識天
文地理著龜占候蟲篆奇字無所不通又善丹青

及侯景之亂野王丁父憂歸本郡乃召鄉黨隨義
軍援都又杖戈被甲陳君臣之義逆順之理抗詞
作色見者莫不壯之為臨賀王府記室後領著作
掌國史以黃門侍郎光祿卿卒贈秘書監右衛將
軍有玉篇三十卷輿地志三十卷符瑞圖十卷顧
氏譜傳十卷分野樞要一卷續洞冥記一卷元象
表一卷並行於時又撰通史要畧一百卷圖史紀
傳二百卷未就而卒

宋衛仲達字達可元名上達徽宗大觀間登進士第御
筆改是名仕至吏部尚書

宋衛膚敏字商彥徽宗宣和間上舍釋褐仕至諫議大
夫禮部侍郎

宋錢良臣高宗紹興間登進士第官至參預

宋蓋經字德常高宗紹興間由舍選登甲科官至中大
夫戶部侍郎

宋衛藻字德章孝宗淳熙間登進士第知武岡軍卒

宋衛涇孝宗淳熙間廷試魁多士官至政府弟洙寧宗
嘉定間亦登進士第

宋衛价字藩叟寧宗嘉定間登進士第仕至軍器監丞
知寶慶府

海鹽縣

晉戴威仕晉為右將軍故宅在縣西一十七步恭帝時
因井放光捨宅為寺唐昭宗時脩寺古碑尚存其
字剝落不可讀

唐顧況吳郡海鹽人居縣西南三十里之橫山以詩名
嘗有詩云家住雙峰蘭若邊數聲秋磬發孤烟山
連極浦鳥飛盡月上青林人未眠

宋常同字子正本臨邛人徽宗政和八年賜上舍及第
高宗南渡初除侍御史有直聲尋除御史中丞因
忤時宰秦檜意出守湖州郡人有賢明太守之謠
後累召不起請祠除提舉江州太平觀貧無立錫
地徙居是邑之精舍凡十年自號虛閒居士紹興

十九年以疾薨累贈少師謚忠毅子洙衿皆典郡
有聲

宋魯嘗字季卿號冷齋高宗紹興五年登進士第仕至
太府卿有註杜詩十八卷行於世

宋魯可宗孝宗隆興間登進士第中博學宏詞科累官
至太府卿

宋陸竣孝宗乾道間登進士第官至尚書

宋常濬孫同之孫也孝宗乾道八年登進士第舉博學

宏詞科嘗為福州教授教養有法閩人士德之至
今祠於學官至宗簿

宋趙孟堅字子固號彞齋善畫理宗寶慶間登進士第
官至太守

宋常楙字長孺自號蒲溪愚叟同之曾孫也理宗淳祐
間由太學魁別省登進士第自躋撫任所至以廉
稱嘗為監察御史因論天變拂權臣意繼論巴陵
事復觸度宗怒出為浙漕以簡御繁權要斂迹尋

以宰掾兼刑侍上進故事首論雷雪之變又忤上
意丐祠守吳吳人有常侍郎真不要錢之語帥紹
興復以刑侍召論期赦叙改法與廟堂爭可否兼
給事中封還隆國姪黃進觀察使錄黃廟堂傳示
上旨俾換黃書行公終始不變遂奉祀歸里德祐
元年除吏書繼除參預公天性篤實操行端方晚
年杜門養疴至餽粥弗給日以經史自娛遇有感
發見之賦詠於詩易研覃尤邃中州人士敬慕之

欲一見終不可得病革自誌其墓沒後家無餘貲
人益嘆服公之真清云

崇德縣

宋江珪字伯特徽宗政和間登進士第歷三院御史
吏部侍郎

宋沈晦字元用號胥山文通孫也公初名杰徽宗朝坐
為人假手奏案至祐陵榻前上閱之云名見四公
子傳其人必不凡可從濶畧時方崇道教故也遂

降旨止令今後不得入科場公徬徨無所往遂易其名曰晦中漕司首選宣和初魁大廷纔數月即入館為郎仕至徽猷待制

宋王昇字逸老本京師人草聖竒偉徽宗宣政間被召入御書補右爵高宗南渡後寓居是邑之羔羊時上留神翰墨近臣有言其能者召對賜札以書王音褒賞蒙異眷獨步一時官至正使

宋莫琮字叔方杭州仁和人其先隱德不仕徽宗崇觀

中三舍法行琮以貢首入京師肄業辟雍復兩預
薦書屢陞優舍高宗建炎初避地於是邑因家焉
晚以特科一等入仕歷曹娥鹽場四明三山幕職
南嶽祠吏通直郎致仕蒞官行已皆有可紀有子
五人元忠若晦似之若拙若冲俱登儒科皆袁氏
出琮累贈中大夫袁氏封大令人袁氏壽康兄弟
無故迎侍祿養縉紳榮之邑宰朱軾即所居立五
桂坊家有椿桂堂士大夫多賦詩

宋木盈字濟之本濟南人避亂渡淮高宗建炎二年登第於揚州寓居於是邑官至朝議大夫

宋輔廣字漢卿號潛庵父達本河朔人高宗南渡時居是邑公素不願仕潛心實學從呂成公游後登朱文公門自辭官歸隱以著書為己任有六經註釋四書問答通鑑說師訓編日新錄雜著藁皆藏於家扁其堂曰傳貽蓋傳之先儒以貽後學也邑大夫家之柄為建傳貽書院

宋王琮字伯玉高宗紹興間登進士第以孝友稱官至

左司

宋莫抃字慶叔世居是邑之青鎮孝宗隆興間登進士
第子繹光宗紹熙間亦登進士第官至尚書

宋趙汝愚字子直本番禺人孝宗乾道間魁多士寓居
是邑之洲錢官至丞相追封福王謚忠定

宋蔡開字子明孝宗淳熙八年登進士第官至憲漕弟
闢字子正寧宗慶元間亦登進士第官至國子祭

酒

宋徐逢家於是邑之鳳鳴孝宗淳熙十四年登進士第

官至常德守兼湖北倉憲

宋徐龜年字翔甫號雲軒家於是邑之鳳鳴孝宗淳熙十四年登進士第官至監察御史

宋陳塏字子爽號可齋本三山人古靈裔也寓居是邑以清節稱官至資政殿大學士賜諡清毅有讀通鑑隨筆藏於家至元間有司請於上表其里曰清

節子鑄宋寧宗寶慶間亦登進士第官至都承旨
宋陸德輿字載之號魯齋寧宗嘉定間由童科第進士
弱冠有文名歷兩制知貢舉官至吏部尚書從祖
竣從父鏞相繼世科竣仕至秘書

宋張琥字子嚴寧宗嘉定間登進士第宰鹽官仁和倅
明州守台州所至有惠政

至元嘉禾志卷十三

欽定四庫全書

至元嘉禾志卷十四

元 徐碩 撰

仙梵

嘉興縣

寶安禪師先住北嶽親運土石於精嚴寺立五臺院師
夏氏蘇州常熟人壽八百一十八歲不衣絲縷寢
卧亂草深明宗旨終後肉身不壞尋遇沙汰遂即

閣維空中飛鶴盤旋化畢祥雲方散

尊勝和尚居寺五臺一室三徑四十載不履寺間先輩
名儒咸禮之有頌嘆曰毳衣藍縷形容老頂戴蓮
經夜行道曉來金地怪無塵四十年來月中掃

僧文偃嘉禾人俗姓張氏因出外遊方遂得道於雪峯
禪師至韶州康王賜號康真既葬肉身不壞宋太
宗賜號大慈雲康真洪明禪師至今雲門一宗遂
傳有雲門井在兜率寺中病者飲其水以療疾

楞嚴大師名子璿始以能講楞嚴經邑人有張姓者邀
於精嚴寺請講之師自作疏文疏之未作也夢文
殊入口既作夢出于口疏成紙為之貴聽者雲集
夏文莊公奏於朝號楞嚴大師肉身葬於真如寺
長水法師上人也有道行注華嚴經八十一卷跏趺而
死以兩甕合之葬於真如寺宋建炎烏珠兵至發
之見手爪遶身瘞之而出

松江府

心鑑禪師按高僧傳藏真姓朱氏蘇州華亭人也母方
娠及誕嘗聞異香未冠禮道曠禪師出家寓嵩嶽
受具戒再詣五臺山入靈點大師室參授道要唐
大中十二年路下脩長壽寺教真居焉明年歸姑
蘇舟住明州棲心寺所在禪者雲集凡入師室者
疑難冰釋咸通七年示寂葬於天童山其徒以行
狀詣闕請謚賜號心鑑塔曰壽相

船子和尚按傳燈錄名德誠入藥山洪道禪師室大明

宗旨與道吾雲巖為道侶自離藥山小舟往來松江朱涇以綸釣度日人號船子和尚時夾山善會禪師住京口鶴林寺道吾知其所得尚淺令往參船子會造朱涇見誠大契宗旨辭行再四回顧誠喚會回立起撓曰汝將謂別有耶迺覆舟而逝唐咸通十年僧藏暉即其覆舟處建寺焉曾有詩曰千尺絲綸直下垂一波纔動萬波隨

聽道人按靈鑑塔銘云姓仰氏名德聰初受具戒於梵

天寺參請諸方密契心印宋太平興國三年結廬於今山之東峯有二虎名大青少青常以為侍有造之者見挂一書梁間問之此佛經也問嘗讀否曰如人看家書一遍既知其義何再讀為嘗曰古人貴行吾何言哉其他問者皆默然不對天禧元年七月跌坐而逝閱月容貌如生

王可交續仙傳云蘇州華亭人也以耕釣為業居松江趙屯村一日擢舟入江方擊楫高歌忽見綵舫漾

於中流有道士七人中有呼可交者頃之不覺舟
近舫側有呼可交上舫者道士皆視之一人曰好
骨相合仙生凡賤間已矣破矣一人於筵上令侍
者傾酒飲之又出與二粟食之甘如飴命黃衣送
上岸覓所乘舟不可得但覺風水林木之聲開眼
峯巒重叠松栢參天乃在天台山瀑布寺前僧迎
問之曰今早離家蓋三月二日僧言九月九日已
半年餘矣僧設食可交厭聞食氣自後絕穀挈妻

子住四明山不復出後人時有見之者

敬元法師俗姓吳氏華亭縣顧亭林人年十七往湖州
十山課觀音年二十獲觀音辨嘗往京師安國寺
受戒於遍空法堂感天花墜

崇德縣

無著禪師文喜俗姓朱氏語兒人也七歲授禮崇福僧
為師參禮大慈山性空禪師送供往臺山叅禮禪
僧光啟三年吳越王賜號無著光化二年告衆曰

三界心盡是涅槃言訖趺坐而化

王衷字秉悅崇德人也宋時遊太學以上書直言遭貶
後隱於抗之孤山脩西方淨業鷄鳴而起禮誦達
旦風雨寒暑不能一日廢也朝廷聞其清行召之
不起賜號悟靜處士紹興五年八月十二日夙興
誦經如常久而聲漸低已而不聞就視則端坐逝
矣

僧慧梵字竺卿石門顧氏子也受具羔羊澄寂院持守

有嚴傳宗旨於天竺如虎子學詩於石室陸維仲
性至孝縛茆菴奉母扁曰蓬居居側植梅畦水仙
不知數暇日寫二花真亦極其妙得筆法於梵隆
茂宗也壽八十九有蓬居集

古蹟

錄事司

靈光井在精嚴寺寺本晉徐尚書別業也因井中夜發
光遂捨宅為寺成帝賜名靈光故井亦曰靈光井

五臺山在精嚴寺之西北昔寶安禪師住北嶽五臺親
運土石卓菴居之因名焉

雲門井在兜率寺寺僧文偃師雲峯禪師得道遂為雲
門祖師嘗居兜率寺有井在焉因曰雲門井今廢
梁朝檜在天慶觀枝柯偃蹇竒怪可觀有石刻梁朝檜
三字在其下

葛仙翁井在天慶觀宋聖祖殿前嘉禾百詠詩注有葛
洪書額因遭兵火其書額不存世傳東偏一井歲

有丹浮起因名焉今不復見矣

開元鐘在天慶觀其聲甚洪唐開元時鑄今破矣

松江府

金山城在府南八十五里高一丈二尺周迴三百步舊

經云昔周康王東遊鎮大海遂築此城南接金山

因名之

吳王獵場舊圖經云吳王獵場在華亭谷東吳陸遜生

此子孫嘗所遊獵後人呼為陸機茸其地後為桑

陸按陸龜蒙吳中書事詩云五茸春草雉媒嬌注
謂五茸者吳王獵所茸各有名所謂陸機茸豈其
一耶

閶閭城寰宇記云袁崧城東三十里夾江又有二城相
對閶閭所築備越處

三女祠舊圖經云在縣東南八十里吳王葬女於此吳
越春秋及錄異傳云吳王葬女於閶門外皮陸詩
吳郡圖經則又云閶門外有女墳湖此三女岡未

詳

秦始皇馳道在府西北崑山南四里相傳有大岡路西
通吳城即馳道也輿地志云秦始皇至會稽句章
渡海經此按漢賈山至言所謂秦為馳道之麗東
窮燕齊南極吳楚者非此歟

柘湖在府南七十里湖中有小山生柘樹因以為名吳
越春秋元和郡國圖志云海鹽本秦縣漢因之其
後縣城陷為柘湖移於武原鄉後又陷為當湖宋

武帝記云晉隆安五年孫恩北出海鹽帝築城於
故海鹽恩知城不可下進攻浹瀆則帝嘗於是築
城矣又吳地記秦時有女子入湖為神湖周迴五
千一百一十九頃其後埤塞皆為蘆葦之場今為
湖者無幾

陸機宅按陸士衡贈從兄車騎詩髣髴谷水陽李善注
引陸道瞻吳地記曰海鹽縣東北二百里有長谷
晉陸遜陸凱居此元和郡國圖志云華亭谷在縣

西三十五里陸抗宅在其側故遜封華亭侯太平
寰宇記云二陸宅在長谷谷在吳縣東北二百里
谷周迴百餘里谷水下通松江者陸凱居此谷吳
地記云漢廬江太守陸康與袁術有隙使姪遜與
其子績率宗族避難居於是谷舊圖經云華亭谷
水東有崑山相傳即其宅舍是數說觀之則世傳
普照寺為二陸宅非也然建康亦有陸機宅建康
實錄云在縣南秦淮之側李太白題王處士水亭

云齊朝南苑是陸機宅按吳王孫皓徙都建康機
雲嘗分領父兵為牙門將得非機仕於朝則居建
業而華亭乃其里第耶又有八角井按九域志在
陸機宅之側

陸瑁養魚池唐彥猷華亭十咏注按舊圖在縣西今名
瑁湖即陸瑁所居相傳有宅基存焉而大中祥符
圖經瑁湖在縣西北三十五里周迴九里吳尚書
陸瑁養魚池因以為名今府之西南隅有湖廣袤

三里即瑁湖也中有堂基今為放生池

黃耳塚按述異記陸機小時頗好獵在吳有家客獻快
犬曰黃耳機仕洛常將自隨此犬黠慧能解人語
機久無家問為書盛以竹筒繫犬頸犬回吳到機
家得答書復馳還洛後犬死還葬機家村南二百
步聚土為墳村人呼為黃耳塚按商芸小說云後
分華亭村南為黃耳村以犬塚為號焉獨劉貢父
詩話疑以黃耳為僕未知何所據也

滄瀆壘舊有東西二城東城廣萬餘步有四門今徙於江中餘西南一角西城極小在東城之西北以其兩旁有東西蘆浦俗遂呼為蘆子城按瀆之有壘舊矣晉史虞潭傳潭為吳國內史成帝時年荒百姓饑饉脩滄瀆壘以防海寇又通鑑晉隆安四年冬十一月吳國內史袁崧築滄瀆壘以備孫恩明年恩陷滄瀆崧被害寰宇記以為袁崧城在縣東百里滄瀆江邊波濤所衝半毀江中

築耶城在府東三十五里高七尺周迴三百五步舊圖
經曰晉左將軍袁崧所築遺址尚存

袁崧宅在府西北三十五里舊圖經云昔袁崧居此因
以為名按晉史袁崧傳崧陳郡陽夏人未嘗云居
華亭也隆安四年為吳郡太守嘗築滄瀆壘以禦
孫恩明年崧被害於滄瀆或者崧之後就居於此
乎

烽樓在顧亭林南按法雲寺記載唐隰州司倉支令問

妻曹夫人墓誌云葬之顧亭扶市南烽樓之側今亭林南岡阜相望即古者沿邊築臺舉烽燧之地寰宇記南帶海上有烽火樓基吳時望海處遺址尚存世傳亭林岡隴顧侍郎墓非也祥符吳郡圖經顧侍郎墓在吳縣西南三十五里橫山東則當以曹氏墓誌為據

顧亭林按舊經顧亭林湖在東南三十五里湖南有顧亭林陳顧野王居此因以為名焉後為寶雲寺寺

有伽藍神記云寺南高基野王曾於此脩輿地志
世傳以為顧野王讀書墩

陳朝檜在滄瀆靜安寺殿廷之左右陸龜蒙皮日休有
重元寺雙檜詩即此也宋政和間朱勗圖以進有
旨遣中使取之時中使欲毀三門而去一夕風雨
震雷忽碎其一今殿右者尚存葉夢得避暑錄以
為宋冲畫者取平江白樂天手植檜與華亭悟空
禪師塔前檜皆唐時故物石林以為悟空禪師塔

前誤矣按臨安志悟空塔亦有雙檜東坡詩所謂
當年雙檜似雙童者乃在鹽官也

王可交升仙臺在隆福寺前遺址尚存按續仙傳可交
初居松江南後入四明山不復出初無上升之事
或傳為王淡交淡交不事繩檢能為詩語多滑稽
似傲世者然江上有感行詩石刻云王可交升仙
壇則或者之說又未然也

寒穴泉在金山上山居大海中鹹水浸灌泉出山頂獨

甘冽朝夕流注不竭毛澤民作寒穴泉銘以為與
惠山泉不可分等差王介甫唐彥猷梅聖俞皆有

詩

白龍洞在橫雲山西南絕頂洞口濶三丈其深不可知
山之半有祭龍壇方丈許歲旱嘗禱焉按朱之純
集云宋皇祐中吳亮公宰華亭浙西旱蝗蘇秀為
甚公禱橫山之神即致甘雨蝗不入境

白苧城在府南四十里高一丈周迴一萬步舊經云地

生野苧因以為名俗云白苧匯

古岡身在府東七十里凡三所南屬於海北抵松江長
一百里入土數尺皆螺蚌殼世傳海中湧三浪而
成其地高阜宜種菽菽麥朱伯原吳郡圖經所謂
瀕海之地岡阜相屬俗謂之岡身此天所以限滄
溟而全吳人也

孔宅在府北七十五里海隅鄉宋淳熙間居民浚河得
一碑云天寶六年黃池縣令朱氏葬於崑山縣全

具鄉孔子宅之西南孔宅之名舊矣其地有夫子廟在慧目院側淳熙間院僧疏廟墮渠得寶玉凡六事三壁二環一簪藏之縣庠舊圖經云昔有姓孔者遊吳居此蓋吾夫子未嘗適吳以闕里譜系考之孔氏二十二代潛後漢太子少傅避地會稽遂為郡人二十九代滔梁海鹽令三十二代嗣哲隋吳郡主簿三十四代貞隋蘇州長史豈孔氏子孫有僑寓宦遊於吳而遂居華亭者耶亦猶建康

有孔子巷乃聖亭侯所奉之廟蓋子孫即所居立
先聖廟耳今廟側又有梁紇廟其為子孫奉祀之
地明矣所瘞璧玉簪珮之屬意其孔堂之遺寶得
非子孫葬先聖衣冠寶璧於是地乎然其旁有宰
我墩顏淵井此則因孔子宅之名而遷合傳會未
可知也舊圖經又云晉鄒湛亦嘗居焉亦名鄒孔
宅按鄒湛傳南陽新野人湛嘗見一人自稱甄舒
仲乃悟曰吾宅西有積土敗瓦其中必有死人檢

之果然厚加歛葬初不言宅在何地湛未嘗仕至
吳中姑存此以闕疑

嘉興縣

雲峰井在縣南四里真如塔院昔雪峰和尚在此住菴
因名焉

三過堂在縣西二十七里本覺寺方丈之東偏宋蘇東
坡與文長老遊三過於此東坡第三詩有曰三過
門中老病死一彈指頃去來今故住山古潭元澄

作堂名三過僧北礪為之記

檇李亭在本覺寺左傳越敗吳於檇李即此地也

景德泉在魏塘鎮景德禪院之西偏烹茶無比世傳以
為常州惠山泉之次也

白龍潭在縣西南五里景德寺前詳見溪潭門白龍潭
註

海鹽縣

教義里在縣西十八里吳地志云歟城里人李祥興晉

將軍袁崧築壘於滄瀆禦孫靈芳為賊所害祥突
白办收崧歸葬因為教義里

晉何后宅在縣南三里輿地志云海鹽縣南三里烏夜
村晉何準寓居焉一夕羣鳥啼噪乃生女後選入
宮他日復夜啼推之乃穆帝立后之日也按晉史
穆帝何后諱法倪廬江瀟人也以名家選應昇平
元年冊為后元興二年崩年六十六縣南一大家
耆老相傳為皇后冢近地有名喪靈浦者堙塞久

矣謂穆后歸葬開此浦以通舟豈后崩於偽楚之時歸葬於此耶

馬噪城在縣東南一百步高一丈二尺周迴二里二百二十三步越地記云吳兵至此道逢大風陣敗馬驚因名今廢

歟城在縣西北十八里高一丈周迴一里今廢

故邑城在縣東北三十五里高一丈周迴三里吳地記云海鹽縣順帝時陷為湖移於故邑山下

龍湫在縣東北四十里陳山詳見溪潭門

準高僧塔在縣西南三十五里法喜禪寺飛鳥不棲時
有舍利放光高僧名良準唐司空曙有詩寄之宋
宣和四年正月自東廊移就西廊袈裟忽飛去集
僧誦楞嚴衣復歸塔有頌刻於塔云宣和年中重
移塔舍利乘空暫騰躍衆諷楞嚴呪得歸永隆佛
日輝無著

戴將軍井在縣西十七步資聖寺本東晉右將軍戴威

之宅一日井中發五色光遂捨宅為寺

黃巢弄在縣南三十六里茶院之南有石屋皆巢舊巢
穴也

六里山石刻在縣西南二十五里金粟山上刻云天冊
元年旃蒙協洽之歲孟冬陽月日維壬寅朔石筭
神遺忽自開發拾得青玉璽蔣文吳直皇宮共三
十八字唐太和四年閏十二月蘇州刺史崔旣帖
縣取此石攝令程子差人送州今不復存

石屋在縣南十八里豐山耆老相傳以為秦始皇屯兵之所

孟姜女搗衣石在縣東南三十六里乍浦

淡井在縣西大寧寺南邑中水多鹹惟此水淡故名

柏泉在尉廳泉上有柏因名

伯牙臺在縣南二十步臺基坡陀如在耆老云伯牙鼓琴於此臺側有聞琴村聞琴橋

顧況宅在縣西南五十七里橫山禪寂寺寺側祠況為

伽藍神況嘗有詩云家住雙峰蘭若邊是也

崇德縣

何城在縣西二里張堯同賦何城云報國心何壯貪齊
意已輕忠言殊不聽何用築斯城

晏城在縣東北二十里世傳晏子所築

萱城在縣東三十里世傳此以上三城皆吳王所築今
間有遺址

紀目坡在千乘鄉高千丈周迴三百步環以水邑士朱

天麟幼時見坡側鍾生家運土得舊石碑斷缺磨滅大約謂吳王夫差募兵五千人教養於此由是築之上置亭以候烽火名曰紀目者立網紀而有條目也此非春秋之文殆後世復營繕於是坡乃追述之辭也

走馬岡洗馬池在永新清風接境地名官窰父老相傳正吳越分疆之地今為平野

南長營在塘東

烽火樓在塘北

千人坡在千金鄉世傳此以上三處皆越王宿兵之野

今無之

石門在縣北一十八里越王累石為門以為限界之所
梧桐鄉鳳鳴里故老相傳有鳳棲梧桐之上因名焉
爰山在縣東晉道士爰基尸解於此上有銅棺冢

范蠡塢在顧村世傳范蠡曾遊於此

至元嘉禾志卷十四

欽定四庫全書

至元嘉禾志卷十五

元 徐碩 撰

宋登科題名

大中祥符五年徐奭榜

聞人侃 甲科

天禧三年王整榜

聞人建 甲科

呂 諤

天聖二年宋庠榜

呂詢

景祐元年張唐卿榜

呂評

寶元元年呂溱榜

聞人安道

慶曆六年賈黯榜

陳舜俞

韓洞

皇祐元年馮京榜

沈中復

王照

錢長卿

嘉祐二年章衡榜

胡閻

呂全

嘉祐六年王俊民榜

朱伯虎

弟伯熊

嘉祐八年許將榜

戴顯甫

朱鞏

治平二年彭汝礪榜

潘景純

朱伯熊

兄伯虎

郭

瑑

子三益

熙寧三年葉祖洽榜

張仲元

聞人琛

聞人琳

吳公美

熙寧六年余中榜

梅

貢

父灝

呂

奎

梅

灝

子貢

元豐二年時彥榜

錢著

徐之純

廖漢卿

柳庭俊

弟庭傑

章粹

元豐八年焦蹈榜

倪直侯

探花

杜植

崔友直

元祐三年李常寧榜

呂益柔

榜眼

陸周

張徽言

郭三益

父璩

元祐六年馬涓榜

朱

紱

榜眼
弟絃

富開

朱之純

紹聖元年畢漸榜

柳庭傑

兄庭俊

呂佶

紹聖四年何昌言榜

張天材

元符三年李奎榜

錢隨

崇寧二年霍端友榜

朱

紘

兄紱

吳

錞

崇寧五年蔡疑榜

王 篪

張 甸

呂少蒙

魯 詹

弟嘗詹
子可對

陳裴忱

大觀三年賈安宅榜

柳 約

兄庭俊

聞人宏

姚 焯

張 昭

陸友諒

陳之元

周 綱

董之邵

周公彥

衛上達

黃子服

政和二年莫儔榜

范遜

政和五年何鼎榜

衛罔

黃鎮 黃鏗
兄鎮

謝處道

黃鎮弟鏗

張康朝

政和八年李嘉玉榜

董蔣

韓聞

陳確

羅彬

趙士坦

子不愚
孫善毅

宣和元年王俊乂榜

衛膚敏

宣和二年祖秀實榜

朱炎

宣和三年吳渙榜

聞人穎立

上舍
子符

富說

宣和六年沈晦榜

沈晦 狀元

范閔

建炎二年李易榜

黃銓 甲科

張睿

蔡宿

黃操

紹興二年張九成榜

孫彥朝

紹興五年汪應辰榜

任盡言 甲科

兄贊言

朱冠卿

樊光遠 省元

任質言

弟盡言

魯

嘗

子可宗

錢

宏

祖政
姪萬中

魯

啓 子可簡

葛温卿

紹興八年黃公度榜

陳

璫

陸之淵

弟之望

董天民

紹興十二年陳誠之榜

周

澂

陸之望

兄之淵

潘

旦

魯

藝

紹興十五年劉章榜

潘璋

甲科

張康

徐珙

陳伯達

魯可簡

父啓

太史洵武

張圖南

趙師渙

紹興十八年王佐榜

林公望

張偉

張然

俞先嶷

子建

王允恭

柳仲永

紹興二十一年趙達榜

錢萬中

魯璵

弟璠

丁三畏

張廷均

父昭

鄭

聞

省元

陳駢

紹興二十四年張孝祥榜

徐浚

衛稷

錢良臣

陳禹錫

張潛

杜申

唐鐸

徐銳

紹興二十七年王十朋榜

聞人符

父穎立

林宗顯

周謹思

樊抑

父光遠

朱侑

聞人阜民

孫侑

陳師正

子允

趙汝能

趙師文

趙彥深

紹興三十年梁克家榜

許克昌

以有官
允榜眼

蓋

經

甲科

魯可封

父詹
叔啓

沈揆

侍從

李芳

莫若晦

樊廣

父光遠

林洲

柳大雅

王明弼

趙希仁

弟希傑
希仰

卜回

趙不愚

父士坦子
善穀善諱

錢聞禮

張伯垓

陳夢鵬

侯持國

紹興三十二年壽皇登極上舍釋褐

錢聞詩

隆興元年木待問榜

張序

陳之方

莫抃

趙善洙

趙汝明

邵襄然

張子泳

魯可宗

呂旦

乾道二年蕭國梁榜

朱澤之

甲科

吳伯凱

徐玠

吳機

叅政

孔彰

王靜

趙善調

周益

陳登

陳師堯

柳梓

徐元莫

乾道五年鄭僑榜

王觀國

陸峻

郭堯

林廷瑞

趙希仰

兄希仁希保孫孟堅

趙彥琇

弟彥琬

魯璠

兄璵

車訥

錢文

乾道八年黃定榜

陳允

父師正

徐綱

常濬孫

弟衍孫

陳伯揆

張橐

趙善繩

任巖叟

莫元中

淳熙三年詹駉榜

衛藻

丁大舉

趙伯瓚

趙彥琬

兄彥琇

魯

玕

祖啓父可
簡兄玕

丁大聲

徐晟

莫若冲

淳熙五年姚穎榜

趙師慄

張之德

趙彥清

兄彥深
弟彥濟

沈明遠

趙彥濟

兄彥清

淳熙八年黃由榜

陳之純

莫如拙

子秀謙

蔡開

弟闢

朱端常

柳說

陳之綱

弟之純

聞人綱

淳熙十一年衛涇榜

衛涇

狀元弟涖

葉時

甲科

言陽

俞建

甲科父光疑兄速

俞遠

石辰之

莫似之

淳熙十四年王容榜

胡林鄉

甲科子琚

徐逢

父浚兄遠

常緒

沈倫

趙彥時

祖尚之兄彥仲

莫及

徐龜年

周云

莫光朝

淳熙十六年光宗登極上舍釋褐

林至

子革

紹熙元年徐復榜

陵竣

甲科

林大章

甲科

趙希侗

兄希仁

許興裔

趙汝澄

徐昂

徐邁

魯

珏

父可簡
兄升

趙彥伸

趙彥璣

兄彥玠

趙崇堯

趙善毅

父不愚

趙彥滄

李昌宗

紹熙四年陳亮榜

莫澤

趙師煢
父伯瓚

慶元二年鄒應龍榜

姜輝

甲科
上舍

錢撫

侯允

陳保中

內舍

孔掄

周日嚴

父去

鮑璋

內舍

陶大章

內舍

慶元五年曾從龍榜

凌次英

魯秀穎

蔡闢

兄闢

沈忱裴

子應高

徐侔德

嘉泰二年傳行簡榜

徐遠

父浚

張淡

張渙臣

開禧元年毛自知榜

陳之經

兄之綱

干易

趙汜夫

唐夢符

陶洪

嘉定元年鄭自誠榜

衛洙

兄涇

婁體仁

別院省元

輔大章

陸鏞

潘振

子忠恕

王用亨

魯鐸

計朋龜

魯策

劉元晉

嘉定四年趙建大榜

陶大甄

崇衍孫

沈禾

嘉定七年袁甫榜

趙汝邨

魯文若

弟文伯

王尚輔

趙崇璋

嘉定十年吳潛榜

陸德興

童科
尚書

趙時倚

父汜夫

陳華

魯文伯

趙汝珩

趙崇穉

父汝珩

楊元勣

嘉定十三年劉渭榜

陳燧

甲科

張琥

孫一飛

潘忠恕

省試
經魁

趙汝擢

方樹

趙與生

父希伋兄與
理弟與積

趙汝訓

弟汝弼

胡琚

父林卿

林革

父至

嘉定十五年慶寶上舍釋褐

王熙載

嘉定十六年蔣重珍榜

平東

沈應元

沈既濟

魯之大

趙汝弼

兄汝訓

趙希庸

寶慶二年王會龍榜

沈炎

叅政

胡宗儒

陳鑄

趙與翊

趙時勇

趙與椽

趙垞夫

趙孟堅

趙漪夫

趙澍夫

趙彥秘

趙泮夫

趙碩夫

趙與機

趙孟敏

趙希檜

趙與時

趙崇洽

趙善辭

趙崇漚

趙崇愈

趙崇昔

趙汝堂

趙與曹

趙崇諫

趙汝耀

趙與善

趙崇侑

趙窺夫

兄宛夫

紹定二年黃樸榜

趙與櫚

沈元

趙必棣

俞仕檀

內舍

徐聞詩

黃英發

趙孟握

趙汝衡

紹定四年慶壽上舍釋褐

李景勉

紹定五年徐元杰榜

趙若炳

甲科
弟若輝

莫之禦

趙若輝

兄若炳

莫季謙

父若拙

趙時楷

趙時楷

趙時樸

趙汝櫟

杜從龍

蔡直方

宋正禮

端平二年吳叔告榜

呂重庚

趙時杞

趙與理

弟與生

平章

嘉熙二年周坦榜

趙與積

甲科兄與生與理

聞人仲脩

趙時詰

趙必高

沈應高

父棊

錢宜之

錢廙之

周光龍

淳祐元年徐儼夫榜

焦炳炎

探花

趙孟議

上舍

蔡廣

上舍

趙時晁

上舍

淳祐四年留夢炎榜

唐震龍

趙孟圭

淳祐七年張淵微榜

葉隆禮

常

楹

別院
賦魁

魯鼎卿

林子善

淳祐十年方逢辰榜

陸夢正

郭晦

朱宗強

子安國

洪應辰

吳闕

趙崇籌

陵浚

魯森

婁應元

寶祐元年姚勉榜

錢拱之

郭圭

趙孟建

趙必燧

上舍

趙崇穆

婁應新

省試
經魁

呂翊龍

婁應庚

朱鵬飛

平昌

潘應大

寶祐二年賜進士出身

李曾伯

寶祐四年文天祥榜

趙若誼

上舍

沈寢龍

唐天麟

太學

吳英發

馮夢桂

沈達可

開慶元年周震炎榜

王允之

金黿

葉汝舟

柳正孫

鄭拊翼

景定三年方山京榜

錢夢炎

甲科

張漢撫

太學

魯天麟

聞人珏

咸淳元年阮登柄榜

趙孟安

子由漳

趙孟葆

祖希葆

趙孟華

兄孟葆

趙孟均

祖希保
父與曾

沈起巖

太學

趙由漳

父孟安

沈應子

兄應發

朱安國

父宗強

趙必穗

趙與鼎

趙必弼

趙崇昆

趙孟秣

兄孟珣

趙崇德

趙汝慤

趙時秘

趙若淑

趙崇暇

咸淳四年陳文龍榜

徐碩

甲科

張伯淳

父琬

沈應發

趙孟珣

原學前廊
弟孟林

咸淳七年張鎮孫榜

張應珮

咸淳十年王龍澤榜

翁自道

太學

曹應符

趙良泌

宗學

趙奭煜

徐夢得

至元嘉禾志卷十五